

Kastam rampas pil ekstasi bernilai RM356,860

5 Disember 2017

Kastam rampas pil ekstasi bernilai RM356,860

KOTA KINABALU - Jabatan Kastam Diraja Malaysia (JKDM) Negeri Sabah melumpuhkan sindiket penyeludupan dadah jenis pil ekstasi seberat empat kilogram bernilai RM356,860 di Pejabat Pos Besar di sini pada 28 November lalu.

Kegiatan itu terbongkar hasil pemeriksaan terhadap sebuah kotak berisi bagasi pakaian sebelum dua bungkusan mengandungi pil ekstasi yang dipercayai dikirim dari Belanda ditemui kira-kira pukul 12 tengah hari.

Pengarah Kastam Negeri Sabah, Datuk Hamzah Sundang berkata, hasil imbasan yang dilakukan menemui imej yang mencurigakan tersem-



HAMZAH (dua dari kanan) menunjukkan pil ekstasi yang dirampas di Pejabat Pos Besar Kota Kinabalu pada sidang akhbar semalam.

bunyi di dalam beg yang telah diubah suai.

“Hasil pemeriksaan mendapati ikrar beg tersebut hanya

tertera mengimport pakaian dari Belanda ke Sabah.

“Bagaimanapun, semasa proses mengimbas keselu-

han kandungan beg itu, selain pakaian kami turut menemui dua bungkusan yang mengandungi 10,196 biji pil ekstasi,” katanya pada sidang akhbar di sini semalam.

Tambah beliau, kes seumpama itu merupakan yang pertama bagi tahun ini melibatkan cubaan menyeludup dadah melalui pejabat pos.

“Sehubungan itu, siasatan lanjut mengenai sindiket penyeludupan dadah ini masih dijalankan dengan menahan seorang lelaki tempatan berusia 54 tahun.

“Suspek yang dipercayai penerima bagasi pakaian itu ditahan reman selama tujuh hari untuk tindakan lanjut,” jelasnya.